

# SURAU 'AL-ULUM KD9

Bil. 9. (Disember, 2005/Zulkaedah, 1426H)

Untuk Edaran Ahli Kariah Sahaja

Percuma

## DI MANA LETAKNYA KEMULIAAN HIDUP MANUSIA

Berita perkahwinan Jessie Chung telah menggemparkan orang ramai. Beliau yang dilahirkan sebagai seorang lelaki telah menjalani pembedahan menukar jantina dua tahun lalu dan melangsungkan perkahwinannya di Kuching, Sarawak, dengan seorang lelaki, Joshua Beh Soo Kiang pada 13 November 2005. 3 orang paderi telah menyempurnakan majlis perkahwinan mereka. Presiden Persatuan Kebajikan Sikh Malaysia, Harbans Singh Gill mengulas, "*Perbuatan seperti ini yang tidak disusuli dengan tindakan tegas oleh kerajaan seakan menampakkan negara memandang mudah masalah ini.*" [Utusan Malaysia, 21/11/05].

Hakikatnya, penukaran jantina adalah haram hukumnya sekiranya telah jelas jantina seseorang itu. Identiti seseorang itu sama ada lelaki atau perempuan, tidak ditentukan oleh kehendak diri (nafsu) sendiri tetapi ditentukan oleh bentuk fizikal dan fungsi-fungsi fisiologi tubuhnya. Di dalam syariat Islam terdapat 2 perkara yang perlu ditekankan berkaitan dengan isu ini. Pertama, adalah yang bersangkutan dengan istilah *khuntsa* dan kedua adalah *takhannuts*.

*Khuntsa* merupakan individu yang secara fisiologi dan biologi memiliki 2 organ kelamin - lelaki dan perempuan. Namun begitu, bilangan golongan *khuntsa* ini amatlah sedikit. Oleh kerana fenomena ini merupakan sesuatu yang tabii yang boleh terjadi pada manusia, Islam sejak dahulu lagi telah memiliki sikap tersendiri berkaitan dengan status jenis kelamin individu seperti ini.

Pembedahan jantina dianjurkan terhadap *khuntsa* untuk memperjelaskan jantintanya. Apabila organ kelamin salah satu jenis itu lebih menonjol, maka dia ditetapkan sebagai jenis kelamin tersebut. Bila organ kelamin lelaki lebih menonjol sama ada dari segi bentuk, ukuran, fungsi dan sebagainya, maka orang ini walau pun memiliki organ kelamin wanita, dia tetap dinyatakan sebagai seorang lelaki. Perkara ini perlu ditetapkan sebelum pembedahan oleh pakar. Sebagai lelaki, beliau tertakluk kepada hukum-hukum Islam sebagai lelaki. Antara lain mengenai batas aurat, mahram, nikah, wali, warisan dan sebagainya. Sebaliknya, jikalau sebelum pembedahan, organ kelamin wanita lebih menonjol dan berfungsi, maka jelas dia adalah wanita, walaupun dia memiliki organ kelamin lelaki. Beliau tertakluk kepada hukum-hukum syara' sebagai wanita. Di dalam karya fiqh terdapat juga istilah "*Khuntsa Musykil*". Istilah ini membawa maksud bahawa kedua organ kelamin itu berfungsi sama baiknya dan sama dominannya. Untuk kes ini, ijthihad yang mendalam perlu dilakukan oleh ulama yang pakar bagi menentukan status individu tersebut.

### Pay the Price

You can get anything that you want in this world – if you are willing to pay the price for it. The price may be self-discipline, may be effort, may be time and yes, it may even be money. But if you want something badly enough, then pay the price. Upfront and in full. And then stand back and watch everything coming your way!  
Life is pretty straight-forward; when you know you want, and willing to pay the price for it, all that you want, you get!

Azizi Ali

Manakala *takhannuts* pula membawa makna perbuatan orang yang berlagak atau berpura-pura sebagai *khuntsa*, padahal dari segi fizikal dia memiliki organ kelamin yang jelas. Dari aspek fisiologi dan hukum Islam, individu seperti ini sama sekali tidak ada masalah dalam statusnya apakah lelaki atau wanita. Dalam konteks *takhannuts*, terdapat banyak gelaran yang diberikan keatas golongan ini, antara lain, *bapuk*, *pondan* dan *tombok*.

Ada di antara individu di dalam golongan ini yang melakukan pembedahan menukar jantina tetapi pembedahan itu sifatnya cuma hiasan belaka dan tidak boleh berfungsi secara normal. Secara syar'i pembedahan ini membuatnya bertukar jantina. Oleh itu mereka tetap lelaki walaupun suara, bentuk tubuh, kulit dan yang lainnya mirip seorang wanita. Individu seperti ini adalah jelas tetap seorang lelaki. Akibatnya, ta'amul (perlakuan) kita terhadap mereka mestilah mengikut hukum syara' berkaitan dengan lelaki. Dan oleh kerana mereka adalah lelaki, maka pergaulan mereka dengan wanita mestilah mengikut peraturan Islam. Para wanita tetap tidak boleh berkhalwat, ihtilat (bergaul bebas) dan membuka aurat ketika bersama dengan mereka ini. Orang yang melakukan *takhannuts* ini jelas berdosa kerana telah dengan sengaja menyerupai wanita. Rasulullah Sallallahu 'alaihi wasallam pernah memberitahu, bahawa perempuan dilarang memakai pakaian lelaki dan lelaki dilarang memakai pakaian perempuan. Rasulullah juga melaknat lelaki yang menyerupai perempuan dan perempuan yang menyerupai lelaki yang termasuk diantaranya cara percakapan, gerak geri, cara berjalan, pakaian, dan sebagainya.





"Serulah (manusia) kepada jalan Tuhanmu dengan hikmah dan pelajaran yang baik dan bantahlah mereka dengan cara yang baik. Sesungguhnya Tuhanmu Dialah yang lebih mengetahui tentang sesiapa yang tersesat dari jalanNya dan Dialah yang lebih mengetahui orang-orang yang mendapat petunjuk." Maksud Surah An Nahl ayat 125.



dari muka depan .....Dimana Letaknya Kemuliaan Hidup Manusia

Pernah Rasulullah Sallallahu 'alaihi wasallam melarang kaum lelaki dari memakai pakaian yang dicelup dengan 'ashfar (zat warna berwarna kuning yang biasa dipakai untuk mencelup pakaian-pakaian wanita di zaman itu). Ali RadhiAllahu 'anhu mengatakan:

"Rasulullah pernah melarang aku memakai cincin emas dan pakaian sutera dan pakaian yang dicelup dengan 'ashfar"[Hadis Riwayat Thabarani].

Di dalam sejarah Islam tidak pernah timbul kekecohan tentang masalah gay dan lesbian. Selagi syariat Islam diterapkan oleh negara masalah ini tidak akan wujud. Bukan itu sahaja, penerapan aturan Islam juga akan menjadikan masyarakat hidup mulia, aman, dan terkawal. Terjadinya penukaran jantina mengikut nafsu adalah kerana pelaksanaan undang-undang ciptaan manusia yang menggalakkan kebebasan. Islam mengatasi masalah ini melalui pendekatan berikut:

(1) Islam akan bertindak tegas bagi mengatasi masalah ini dengan melaksanakan hukuman mati bagi pelaku homoseksual, baik yang gay maupun lesbian. Rasulullah bersabda: *"Barangsiapa menjumpai orang yang berbuat homoseks seperti amalan kaum Lut, maka bunuhlah si pelaku dan yang diperlakukan (pasangannya)"* [Bukhari, Muslim, at-Tirmidzi, Abu Daud, dan an-Nasa'i]

Para ulama dan sahabat berbeza pendapat dalam penggunaan jenis hukuman mati bagi pelaku homoseks ini. Ali memilih rejam dan membakar pelaku. Umar bin Khatthab dan Utsman bin Affan bersependapat; pelaku dihempaskan ke tembok sampai mati. Sedangkan menurut Ibnu Abbas, pelaku mesti dilempar dari bangunan yang tinggi dalam keadaan terbalik dan dihujani dengan batu. Meskipun terdapat perbezaan dalam cara menjalankan hukuman namun semua para sahabat bersetuju bahawa hukuman terhadap pelaku homoseks adalah hukuman mati.

(2) Islam mengatur adab pergaulan yang menyelamatkan kita dari perilaku kaum Nabi Lut. Dalam pengaturan ini, ditetapkan bahawa:

a) Penampilan luar lelaki mestilah berbeza dari perempuan dan begitu juga sebaliknya. *"Rasulullah Sallallahu 'alaihi wasallam melaknat kaum lelaki yang menyerupai (penampilan) wanita, dan kaum wanita yang menyerupai penampilan para lelaki."* [HR Bukhari].

b) Adalah haram melihat dengan liar aurat sesama jenis mahu pun lawan jenis. *"Janganlah seorang laki-laki melihat aurat laki-laki lainnya, jangan pula seorang wanita melihat aurat wanita lainnya."* [HR Ahmad, Muslim, Abu Dawud, dan at-Tirmidzi]

c) Tidak diperbolehkan tidur satu selimut dengan rakan sejenis apalagi lawan jenis. Peraturan ini juga berlaku untuk anggota keluarga yang sudah baligh. *"Janganlah seorang lelaki tidur satu selimut dengan sesama lelaki, jangan pula wanita tidur satu selimut dengan wanita lainnya."* [HR. Ahmad, Muslim, Abu Dawud, dan at-Tirmidzi]

d) Seorang Muslim seharusnya redha dengan kedudukannya sebagai lelaki atau perempuan. Dia hendaklah faham akan qadha' dan qadar dan bersyukur dengan apa yang telah dianugerahkan Allah ke atasnya. Dia haruslah yakin Allah Maha Adil dan ia tidak sewajarnya mempertikaikan ciptaan Allah Subhanahu wa Ta'ala.

Kejadian seperti yang berlaku di Kuching baru-baru ini dan di seluruh dunia, terutamanya dunia Barat jelas memanifestasikan bahawa undang-undang sekular-demokrasi yang ada sekarang ini menggalakkan manusia melakukan perkara-perkara yang bertentangan dengan kehidupan yang mulia dan terpuji. Apakah undang-undang seperti ini yang diharapkan untuk menghapuskan aktiviti yang terkait dengan isu berkaitan seperti aktiviti homoseksual yang amat menjijikkan?? Hanya dengan penerapan Islam yang kaffah melalui negara Khilafah, masalah seperti ini akan tinggal sebagai sejarah...

dipetik dari Risalah Sautun Nahdhat



## Berita Ringkas Al-Ulum

**MAJLIS MERAIKAN BAKAL HAJI** – Surau Al-Ulum KD9 akan mengadakan Majlis Meraikan Bakal Haji dari Perjiranan Rimba Riang KD9 pada **Jumaat 2 Disember, 2005** bertempat di Surau Al Ulum KD9. Satu kuliah khas akan disampaikan oleh YBhg. Ust. Azizi. Semua muslimin/muslimat dijemput hadir.

**IBADAH QURBAN / AQIQAH.** Tawaran adalah dipelawa kepada semua Muslimin dan Muslimat Perjiranan Rimba Riang KD9 serta anggota keluarga bagi menyertai ibadah Qurban/Aqiqah bagi tahun 1426H/2005M. Satu bahagian ialah **RM300.00**. Tarikh tutup penyertaan ialah **20 Disember 2005**. Untuk keterangan lanjut dan borang penyertaan sila hubungi Jawatan-kuasa berikut:

1. Sdr. Mohd Hasni Hashim (012-3086014) – No. 21 Rimba Riang 9/4
2. Sdr. Adnan Abdullah (019-2409378) – No. 22 Rimba Riang 9/2
3. Sdr. Wahab Arshad (012-2838528) – No. 17 Rimba Riang 9/3A
4. Sdr. Zainal Abd Razak (012-2138578) – No. 24 Rimba Riang 9/3A

PESANAN : Kami dengan rendah diri memohon kerjasama sdr/sdri. sekalian agar menyimpan Buletin ini di tempat yang sesuai demi menjaga kesucian agama Islam dan keberkatan ilmu yang disampaikan – JKK Strategi & Komunikasi

### Jadual Pengajian Di Surau Al-Ulum, KD9

Tarikh	Masa	Pengajar	Tajuk
01/12 (Khamis)	19.30	Pengerusi / Imam	Tahlil / Yaasin
02/12 (Jumaat)	19.30	Ust. Azizi (As Sahabah)	Fiqh
03/12 (Sabtu)	19.30	Ust. Abdullah Lufti (Kelang)	Tauhid
04/12 (Ahad)	06.00	Ust. Mohd Fauza Ali	Umum
04/12 (Ahad)	19.30	Ust. Nizam Kamaruzaman	Umum
05/12 (Isnin)	19.30	Ust. Mohd Fauza Ali	Umum
06/12 (Selasa)	19.30	Ust. Muhadir Joll (UIA)	Tasauf
07/12 (Rabu)	19.30	Ust. Kamal Mahadi (KISAS)	Tafsir
08/12 (Khamis)	19.30	Pengerusi / Imam	Tahlil / Yaasin
09/12 (Jumaat)	19.30	Ust. Redzuan Mohd Nor	Umum
10/12 (Sabtu)	19.30	Jemputan Khas	Umum
11/12 (Ahad)	06.00	Jemputan Khas	Umum
11/12 (Ahad)	19.30	Ust. Amin Al-Buntari	Tajwid
12/12 (Isnin)	19.30	Ust. Halim Din (Pusat Zakat Sel.)	Hadith
13/12 (Selasa)	19.30	Ust. Muhadir Joll (UIA)	Tasauf
14/12 (Rabu)	19.30	Ust. Zainuddin Abu Bakar (Subang)	Feqah
15/12 (Khamis)	19.30	Pengerusi / Imam	Tahlil / Yaasin
16/12 (Jumaat)	19.30	Ust. Azizi (As-Sahabah)	Feqah
17/12 (Sabtu)	19.30	Ust. Abdullah Lufti (Kelang)	Tauhid
18/12 (Ahad)	06.00	Ust. Mohd Fauza Ali	Umum
18/12 (Ahad)	19.30	Ust. Abd Razak (JAWI)	Umum
19/12 (Isnin)	19.30	Jemputan Khas	Umum
20/12 (Selasa)	19.30	Ust. Muhadir Joll (UIA)	Tasauf
21/12 (Rabu)	19.30	Ust. Kamal Mahadi (KISAS)	Tafsir
22/12 (Khamis)	19.30	Ust. Abdullah Osman Iraqi	Hadith
23/12 (Jumaat)	19.30	Jemputan Khas	Umum
24/12 (Sabtu)	19.30	Ust. Mohd Fauza Ali	Umum
25/12 (Ahad)	06.00	Jemputan Khas	Umum
25/12 (Ahad)	19.30	Ust. Amin Al-Buntari	Tajwid
26/12 (Isnin)	19.30	Jemputan Khas	Umum
27/12 (Selasa)	19.30	Ust. Muhadir Joll (UIA)	Tasauf
28/12 (Rabu)	19.30	Ust. Zainuddin Abu Bakar	Feqah
29/12 (Khamis)	19.30	Pengerusi / Imam	Tahlil / Yaasin
30/12 (Jumaat)	19.30	Jemputan Khas	Umum
31/12 (Sabtu)	19.30	Jemputan Khas	Umum

Bersama-samalah kita hadir di dalam majlis ilmu yang telah diaturkan, mudah-mudahan ianya dapat mengelakan dari bertambahnya 'topok-topok hitam' dalam hati kita